

11-§. Nomoddiy aktivlarni inventarizasiyadan o'tkazish

67. Korxonalarning nomoddiy aktivlardan foydalanishga doir huquqlarini tasdiqlaydigan hujjatlarning haqiqatda mavjudligini, balansda nomoddiy aktivlarni to'g'ri va o'z vaqtida aks ettirilganligini aniqlash va ularning saqlanishini nazorat qilish maqsadida korxonalar tomonidan vaqti-vaqti bilan, biroq ikki yilda kamida bir marta nomoddiy aktivlarni inventarizasiyadan o'tkaziladi.

68. Nomoddiy aktivlarning inventarizasiyasi O'zbekiston Respublikasi Moliya vazirligi tomonidan 1999 yil 19 oktyabrda EG/17-19-2075-son bilan tasdiqlangan O'zbekiston Respublikasi Buxgalteriya hisobining milliy standarti ([19-sonli BHMS](#)) «Inventarizasiyani tashkil qilish va o'tkazish»da (ro'yxat raqami 833, 1999 yil 2 noyabr) belgilangan tartibda amalga oshiriladi.

69. Inventarizasiyada aniqlangan ortiqcha nomoddiy aktivlar boshqa operasion daromadlar sifatida aks ettiriladi. Inventarizasiya vaqtida kamomad fakti aniqlangan yetishmayotgan nomoddiy aktivlar aybdor shaxslar aniqlangunga qadar kamomadlarni hisobga oluvchi schyotda aks ettiriladi.